



Broj: 02-11-1633/25

Datum: 04.07.2025 godine

Na osnovu člana 10a. tačka b) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) - u daljem tekstu: Zakon, člana 40. Statuta Općine Kladanj - Prečišćeni tekst («Službeni glasnik Općine Kladanj», br.9/11), a u skladu sa zahtjevom Stručne Službe Općinskog vijeća i Općinskog načelnika od 26.06.2025. godine, Općinski načelnik donosi:

ODLUKU

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izumaju se usluge medija (usluge radija i televizije).

Član 2.

Postupak nabavke usluga iz člana (1) je u skladu sa članom 10a. stav (1) tačka a) Zakona o javnim nabavkama i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 4.000,00 KM. Sredstva za ove namjene su planirana u Budžetu Općine Kladanj za 2025. godinu, na budžetskom kontu: 613911. JRJN: 92200000-3 – Usluge radija i televizije.

Član 4.

Stručna Služba Općinskog vijeća i Općinskog načelnika je zadužena za praćenje i realizaciju predmentih usluga, u skladu sa zakonom i općim aktima ovog Organa uprave.

Član 5.

Za predmetnu nabavku je predviđeno zaključivanje ugovora u skladu sa odredbama Zakona o javnim nabavkama, a isti će biti zaključen sa najpovoljnijim pružateljem usluge.

Član 6.

Ova Odluka stupa na snagu danom donošenja i ista će biti objavljena na web stranici Općine Kladanj.

Obrazloženje

Dana 26.06.2025. godine Stručna služba Općinskog vijeća i Općinskog načelnika obratila se Općinskom načelniku zahtjevom za donošenje Odluke o izuzeću od primjene Zakona o javnim nabavkama.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem Odluke o pokretanju postupka javne nabavke u pisanoj formi, dok je stavom (2) istog člana propisano je da u slučaju izuzeća od primjene iz člana 10. ovog zakona ili za dodjelu ugovora o

nabavci usluga iz Aneksa II., ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.


Članom 10a. stav (1) Zakona o javnim nabavkama, propisana su izuzeća od primjene odredbi ovog zakona, te je u tački b) navedenog člana, propisano izuzeće za ugovore o sticanju, razvoju, produkciji ili koprodukciji programskog materijala namijenjenog za audiovizualne medijske usluge ili radijske medijske usluge koje dodjeljuju pružatelji audiovizualnih ili radijskih medijskih usluga, ili na pružanje usluga radiotelevizijskog ili programskog emitiranja koji su dodjeljeni pružateljima audiovizuelnih ili radijskih usluga.

Kako su predmet ove nabavke usluge medija (usluge radija i televizije) za potrebe Općine Kladanj, utvrđeno je da su ispunjeni uslovi iz člana 18. stav (1) i (2) a u vezi sa članom 10a. stav (1) tačka b) Zakona o javnim nabavkama.

Cijeneći prethodno navedeno donesena je odluka kao u dispozitivu.

Dostaviti:

- Služba za budžet, finansije i poduzetništvo,
- Stručne Službe Općinskog vijeća i Općinskog načelnik
- a/a 1x;



OPĆINSKI NAČELNIK
Edis Šarić, dipl. ecc.